



Jedan od trojice aktera nepravdnog "bijeljinskog procesa"

Uhapšen Nedžad Hasić, Srebreničanin koji već 25 godina bježi od nepravde


Ahmo Harbaš, Behudin Husić i Nedžad nikada nisu sa svojih pleća zbacili breme navodne krivice za ubistvo četvorice drvosječa Srba • Godinama živjeli u ilegali

Pripadnici **Državne agencije za istrage i zaštitu (SIPA)** uhapsili su jučer ujutro Srebreničanin Nedžada Hasića, a tu informaciju za "Avaz" je potvrdio Nedžadov brat Edevit Hasić.

Podsjetimo, Nedžad Hasić te Ahmo Harbaš i Behudin Husić akteri su nepravdnog "bijeljinskog procesa", koji ni 25 godina od kraja agresije na

BiH, iako su preživjeli genocid u Srebrenici, nikada nisu sa svojih pleća zbacili breme navodne krivice za ubistvo četvorice drvosječa Srba.

Nisu, jer su pod prisilom, batinanjem, torturom, nakon što su 10 mjeseci bili lovina u srebreničkim šumama, potpisali izjavu da su to počinili. Za samo 17 minuta te 1996. godine osuđen je na 20



godina zatvora, a isto toliko dobili su i Harbaš i Husić.

Nakon prvostepene presude njih trojica su godinama živjela u ilegali. Ograničeno im je kretanje, ali su se krili od nepravde. Nedavno je Hasić za naš list ispričao da u BiH ne može izvaditi niti jedan dokument.

- Volio bih da ovo godina života što mi je ostalo

proživim kao slobodan čovjek. A ne da se krijem i da sam u stalnoj pripravnosti da će me neko hapsiti, osuditi na pravdi Boga. Do sada nije bilo ni volje ni htijenja onih koji su to mogli. Hiljadu puta sam rekao, i opet ću, sutra sam spreman doći pred Sud BiH i odgovarati. Ali, njima u ruke više neću živ - kazao je ogorčeni Srebreničanin. **E. T.**